


青  
山  
縣  
志

72576

地280.235

309

1952





秀山縣志卷第三

官師志第二

爰自開闢肇育人民蓋靡不有君長焉縣壤偏淡上世未聞古者遠國雖大爵不過子故周室班爵巴楚皆子而縣介二國之絕陬阻巖嶽于寰表圖簿虛錄于司空軒被罕交于上國隨唐以前邈哉荒已宋末時峒谿豪帥私樹官號朝廷因之以爲羈縻歷元暨明披籍可睹于時山林俶啓埃氛載替廬室翳乎蒿蕭之場章服襍然槃瓠之俗而驅鉏蕩刈未遑政事聲教阻遐寂寥輟響至于輸土置吏文軌大同冠履秩秩品物惟昭或盡力乎溝渠之利或揖讓于庠序之地煥其政教炳焉與中壤同風夫宅上萬邦列爵五等別國繫民累代一君是以上隆世載

卷三

官師志

之庠則下臻丕從之美化洎秦改法後生訛焉然而二漢踵由承風靡革循良茂蔚式鏡千紀故曩當乾隆盛時庶官惟賢區甸謐清桑榆蔭翳麥禾被晦雞狗之響四達煙火相望百里居民熙熙雅歌洋洋人存政舉休風閱被亮千載之一時也會際屯厄興才多方官人之涂濩以寬襍疏積滌壅至迺比歲易代政短期迫上不習民脉獄平理允曰其難矧夫作養興教長治久安之規乎雖然千金之劍及鋒則利魁材儁士庸中自異朞月顯效蓋有其人治否之跡固章章矣今錄乾隆置縣以來官師姓名以人繫年都凡該舉若縣之大事土木兵禩及五行災青雨暘愆若雖舊記屏落有徵卽書悉綴上端命曰事紀以爲一縣之統繫焉



年表

知縣正七品 敕授文林郎 吏員出身 宣德郎 簡缺部選或題補養廉

銀一千兩奉銀四十五兩

訓導從八品 敕授修職佐郎部選奉銀十五兩七錢有奇加

品銀二十四兩二錢有奇共四十兩

巡檢從九品 敕授登仕佐郎部選或題補養廉銀一百兩奉

銀三十三兩一錢有奇

典史未入流部選或題補養廉銀九十兩奉銀同巡檢

事紀

知縣

訓導

巡檢

駐后堤

典史

乾隆初置秀山縣以夏景馥署知縣 夏景馥任 建水人 拔貢八月至

元年事治三台場 冊載戶一千五百

朱煥

沈景 鎮海人 供事

卷三

官師志

二

百七十口如之 立三台場營

置游擊 配行郁鹽陸引

二年移縣治于故邑梅司地煙麻坪

孔闕

築土城 改三台場營為綏甯

營罷游擊置參將移駐縣城

建火藥軍器局于城東 立神

祇壇厲壇 六月雨

三年立社稷壇 秋大有年 初置

義學 時縣新設民罕知學知縣 夏景馥出私錢修義塾延 者宿教授于是人競慕效 誦讀之聲達乎四境矣

吳謨鯤 常熟人 吏員

四年建武廟 大有年

五年建知縣署 以署縣事夏景馥

補秀山知縣

八年

謬詔



十一年 蠲縣內本年錢糧 冬十一月 魏根 著  
知縣夏景馥以終養告休 十月 柏鄉人 拔  
二月大雪壓壞官民廬舍數十 貢十一月  
州判署 關 連恆山 署

十二年 李光埭 署  
安溪人 舉  
人六月至  
尋擢任西  
陽直隸州  
知州

十三年 夏大旱 吳秉仁 任  
海鹽人  
監生

十四年 本年縣內錢糧奉文緩徵 夏  
四月大風拔木

官師志 卷三 三

十六年 大雨水壞田廬 秋大熟 鄭文坦 署  
麻城人  
監生

十八年 徐坦 署  
大興人  
舉人

十九年 殷廷瓚 任  
宛平人 舉  
人八月至

二十年 李光泗 署  
荆門人  
進士

二十一年 楊士瀄 署  
關

二十二年 黃鍾 署  
新城人  
按貢

二十四年 王可仕 任  
甘泉人  
吏員

宛平人 供事

沈霏 任  
鎮海人  
供事

王可仕 任  
甘泉人  
吏員

周國衡 任  
甯河人  
監生

王昆信 署  
山陰人 吏  
員 按貢 昆信



二十五年

邊鏞任  
峽江人進  
士後擢任  
阿迷州  
知州

州志佚  
其名  
周應元任  
宛平人  
監生

二十七年

童開第任  
德清人  
監生

二十八年

初建孔子廟  
是時縣猶未設專學附額于酉陽知縣邊鏞倡修聖廟及明倫堂士民踴躍輸資不支公帑自後春秋禮祠彬彬其儀士風為之殊觀  
建城隍祠

陳大文署  
大興人監  
生後擢任  
通判

二十九年  
新舊增戶六千一百三十八口  
九千七百零八

鄭立泰任  
正安人  
吏員

三十知縣邊鏞倡言請建專學事格

方喜署  
沈士鑑署

卷三

官師志

四

一年不行

石埭人  
監生  
監生

三十一年  
築巨豐堰

郭良相任  
臨桂人  
監生

三十三年

楊如燦署  
大興人  
吏員  
周國衡重  
任

三十立先農壇  
知縣邊鏞以升用  
胡鳳羽

黃注任  
安平人舉  
人十二月  
至

三十秋大有年  
九月知縣黃注以  
朱光曾任  
五年病免  
蛟出西鄉大水壞田

鹽山人舉  
人十二月  
至

三十知縣朱光曾續請分學仍格不



六年行 蠲縣內木年 是年

冬巡檢郭良相典史周國衡竝奉調赴金川大營 西鄉有虎白晝傷人

三十 增行犍鹽水引 蠲本年民糧 七年十分之六

三十 巡檢郭良相守金川占固糧站 八年 礮破自殺是年周國衡亦遇害 竝失典史鈐記

三十 蠲本年錢糧十分之六 夏旱張振汲署 漢軍正白旗舉人六月

四十 以金川平定四十年以前經酌張 一年緩十分之五錢糧着蠲十分之

卷三 官師志 五

三 夏五月疫官給醫藥

四十 二年 三年 四十

姚義輪 署 桐城人舉人由黔江知縣調署

高士傑 署 武進人 監生 陸士鑽 任 元和人 監生 王世燾 署 鄱陽人 監生 章烈 署

四十 建龍神祠 典史章烈卒于官 嚴士鏞 署 丹徒人拔貢四月至 後擢任川 東兵備道

顧鏞 署 嘉興人 監生

四十 巡檢陸士鑽以喪免 五年

章倬 署 關

陸霖 署 昭文人 監生 林邦幹 署 宛平人 供事



四十 春雨霰 三月署縣事章倬以王爾昌署  
六年 喪去黔江知縣李光甲來代辦  
監生 桐城人

四十 汪長齡任  
七年 歷城人進士  
士四月至

李廷勳署  
江陵人  
監生

黃烈署  
山陰人  
監生

馮德昌任  
大興人  
供事

曹六興署  
新建人  
監生  
本省按察使

張桐署  
上元人  
監生

王仇會任  
輝縣人  
供事

趙之燮署  
雲夢人  
監生

裘良駿任  
新建人  
供事

劉如基署  
貴筑人舉人  
由酉陽州同署校

楊浚明任  
休甯人  
副榜

馬承烈署  
會稽人  
監生  
四月至

署縣事楊卿雲續請分學  
私楊卿雲署

周

卷三

官師志

捕治無驗

吳桂任  
甯湖人  
進士

五十 夏五月庚午地震 饑 秋大鄭命新署  
一年 熟 民間謠言有妖人入境官  
人永定人舉人七月至

五十 典史王仇會以事免 夏久雨

二年 饑

五十 四年

五十 六年

五十



七年大有年

五十初置縣學裁松潘訓道置秀山

八年縣學訓導事具學志

五十蠲縣內本年錢糧 彗星見

九年新舊增戶七千七百一十五口

九千二百八十五

六十春正月永綏苗叛攻陷洪安汛

年 縣城戒嚴 縣東南與貴州之松

先是松桃大寨苗石柳鄧藉端

開衅誘結永綏黃瓜寨苗石三

保揭竿起所在響應其黨由

查洞趣洪安所置把總領

制兵數十人初易苗倚兵為

守及苗日集土奸居中應之遂

陷洪安焚掠老李溪窺我

溶東南沿邊諸地糜爛矣

二 月署參將何元卿拒苗貴道溪

連有斬獲 時綏甯營駐城兵不

及三百人知縣路雲

瞻恃以城守又倉卒無所調發

未敢議戰事俄苗踰東嶺期兩

道奪城鄉民或卷竹席狀巨礮

陳寘要隘苗遙見疑沮裴回未

進會何元卿來署綏甯參將聞

警兼程至督于總馬紀等率所

部要擊苗于貴道溪而外委陳

應元亦擊走巴白塘苗軍勢稍

振 被苗難民如城就食日數

百人知縣路雲瞻設局振卹之

閏二月四川總督和琳協辦

大學士署四川總督孫士毅提

朝邑人 舉人 陽麗中 署 臨桂人 舉人 路雲瞻 任 東光人 拔 貢十一月

甯鄉人 副貢

卷二

官師志

七

詔雲貴湖廣四川數省督撫會  
討和琳等由秀山進既至即擊  
走我軍道溪苗未幾苗復緣山  
至我軍馮高拒擊苗尋散走于  
是穆克登阿進軍牛角山總兵  
袁國璜進軍石堤期夾攻穿河  
蓋諸苗時新起烏合無部伍  
所至露宿十六日黎明官軍倏



偏其屯苗眾驚潰奔突因乘擊  
之崖谷僮仆相藉而袁國黃時  
軍亦乘勝據山梁苗悉引避出  
境是時和琳駐軍晏農孫士毅  
軍平塊袁國填軍得勝坡也架  
邑梅洪安峩溶等處悉置游軍  
連營數十日夕旌炬相望自來  
縣內用兵之盛無逾此時者也  
三月和琳攻克炮木山進會  
雲貴總督福康安于松桃和琳  
穆克登阿會軍炮木山而苗黨  
馮山拒阻其勢猶盛迺設伏分  
三道進攻其音泰進中路參將  
札樂杭阿繞攻其東長春率鳥  
鈴隊三百人走間道乘高下擊  
聲震林谷札樂杭阿復縱火焚  
其草棚苗眾大潰爭道相擠顛  
死踐仆無算炮木山者縣南大  
山蜀黔所分界也于是和琳進  
會福康安軍孫士毅留駐平塊  
大營主後路輪轉九月苗黨楊  
老倫等復出縱掠老李溪鮑家  
坡等處土毅遣軍馳擊倉緩  
皇散走自是縣境無苗

卷三

官師志

八

嘉慶湖廣白蓮教匪來鳳譚貴龍山

元年楊子敖等四出焚略西陽邊境

戒嚴孫士毅移軍討之知縣

陳人驥安集境內流亡勸令耕

作以松潘訓導穆世楷為秀

山縣學訓導時縣學新設裁汰

山世楷隨協辦大學士三等

男孫士毅卒于軍方縣內苗氛

攻承綬苗士毅留駐縣境專督

饌運兼籌善後事宜會湖廣邪

教事起匪黨譚貴楊子敖等在

來鳳之小坳龍山之旗鼓若揭

竿起應密迺西陽界游騎侵

軼士毅聞警引軍馳擊一戰潰

走軍還至長干嶺卒至

今嶺下民猶祀之

陳人驥任穆世楷任  
仁和人舉名山人  
人正月至歲貢

柳如鈺任  
山陰人  
供事

二年改築石城建常平倉蠲縣

內本年錢糧綏甯升營為協

劉果茂署  
渠縣人  
歲貢



罷參將置副將分設左右邑梅  
三營于縣內時新設西陽營駐  
歸彭營為五營悉增置汎防  
秋大有年

三年

王安宇 任  
綿州人  
張威儀 任  
萬載人監  
生校州志  
作元年  
至任誤

五年春正月知縣陳人驥卒于官

王世勳 署  
寶坻人舉  
人由西陽  
州同

夏旱 饑 晚森里民家牛生  
犢一身二頭

常天佑 署  
大興人監  
生四月至

六年建文昌祠

金科豫 署  
漢軍正黃  
旗人舉人

卷三

官師志

九

七年蠲本年錢糧十分之一 知縣

周枝魯 署  
資州人  
舉人

金科豫重修孔子廟 秋八月  
訓導王安宇卒于官

八年

沈大本 署  
吳縣人供  
事三月至  
拔貢  
馮國柱 任

十年秋七月有星孛于西方 大有

年

十一年

殷可儀 署  
贛榆人監  
生十一月  
至

十三重修社稷先農二壇

程淳 任  
漢陽人監  
生閏五月  
至

武鍾元 署  
太原人  
吏員  
韓聯珠 任



十八新舊增戶八千七百五十口一宋廷楨署

澧州人 供事

年 萬零七百 秋九月署縣事宋 關二 月至 廷楨以喪去西陽知州靳章紳程淳重 月十一至 廉攝縣事

十九 夏四月典史韓聯珠以喪免

年 桃冬華

月至

汪琨署 錢塘人 監生

二十夏大雨水漂沒民居

陳景初署 高思 在 山陰人 監銅梁人 生二月至歲貢

何思鵬 關

祥善署

滿洲正白 旗人貢生

月至 十一

倪茂椿署 歸安人 監生

二十夏五月訓導高思卒于官西陽

劉超元任 簡州人 廩貢

趙勝任 無錫人 監生

倪茂椿署 歸安人 監生

卷二

官師志

十

二十春雨雹 二月巡檢趙勝以喪

黃任任 中江人 舉人

王汝弼署 岐山人 監生

朱必成任 宛平人 供事

二十初建鳳臺書院今改名鳳鳴 秋大

譚盛炳署 渠縣人 歲貢

趙錫齡任 分宜人 監生

四年有年 八月訓導黃任卒于官

鄰水人 歲貢

五年豐堰

鄒鳴岡署 天津人 拔貢 七月至

馮成範任 鄰水人 歲貢

鄰水人 歲貢

道光 元年

陳登華署 侯官人 舉人 閏三月至

周南杰署 關

四年訓導馮成範以病免

永豐堰

于蔚華任

梅春燦署

李業楷任



隄崩壞重修築之

江都人進彭山人  
主閏七月歲貢

楊之蘊任  
南充人  
歲貢

五年夏旱 饑 四月典史朱必成

以病免

六年夏六月丙申有光如虹自西徂

東其行有聲

八年補蠲六年縣內錢糧十分之四彭以增署

秋九月巡檢李業楷卒于官  
甯都人舉人七月至

李鵬翥署  
大興人  
監生

駱得祥署  
邢台人  
監生  
華松任  
大興人  
監生

九年重修孔子廟 補蠲七年縣內

錢糧十分之四 清平里民家

徐樹棠任  
會稽人  
監生

牛生犢遍體見鱗立扼殺之

十年

于蔚華任  
簡州人  
舉人

卷三

官師志

十一

聶成彥任  
定遠人  
歲貢

滕國綸署  
麻陽人  
監生

十一夏六月知縣于蔚華卒于官西

薛炳勳署  
會稽人  
監生七月至

徐樹棠任  
重

年 陽州同汪來溪來代辦

夏觀瀾任  
南昌人舉人  
入五月至

李敦復

年

十六春二月知縣夏觀瀾以病免西

薛紹旂署  
黎平人舉人  
定遠人  
人四月至

何文茵署

年 陽州判陳沖來代辦

黃裳任  
新都人  
舉人

十七夏旱 大有年 冬十二月典

秦岐翔署  
大興人  
監生六月至



十八年

廖應麒任

陳熙署

崇仁人舉

石埭人

張守庸署

陳兆沅任

長山人舉

關事

至十一月

十九秋八月署縣事張守庸卒于官

李鐸署

年 酉陽州同鍾叶篋來代辦

安邱人舉

二十

鮑芸堂署

年

麻城人拔

二十

貢十月至

一年

朱東翰署

二十春三月訓導黃裳以終養告休

廖應麒任

二年

至三月

劉養中署

余文蔚任

卷三

十三

咸甯人監鄰水人  
生九月至拔貢

二十春二月辛卯夜中有白氣如虹

三年東西竟天越旬乃滅 冬雪

十二月署縣事劉養中以喪去

酉陽知州余遂生兼攝縣事

二十春久不雨至于夏四月 訓導

程祚蕃署

聶汝佶任

周士寬署

四年余文蔚卒于官

南城人恩屏山人舉仁和人

貢十二月人按州志監生

至二年誤

徐樹棠任

熊裕棠署

二十

二十重修孔子廟 冬十一月署縣

六年事程祚蕃以喪去酉陽州同顧

謨來代辦

二十東鄉民家雌雞化雄

桃冬華黎若鵬署

黃璋署

山陽人

陳紹謨署

吳縣人

監生



七年

十一月署縣事黎若鵬卒于  
官西陽州同阿彥布來代辦  
十二月西陽知州鄭金榜兼攝  
縣事

宛平人  
吏員

二十八年

饑 訓導聶汝信以截取如京  
郭印瑚署  
黃仕品署  
滕縣人進梁山人  
士正月至廩貢  
全亮署  
蒙古正黃  
旗人十一  
至月

二十九年

夏大饑斗米錢四千有奇  
居民流離平時米價一斗值錢  
千數百今三倍其常價民多取  
石粉為食死者  
道路相望焉  
疫

曾紹鞏  
任  
射洪人  
舉人

三十一年

卷三

余珽署  
績溪人大  
興籍舉人  
官師志  
上三

陳紹熹署  
廣甯人  
增生  
劉承業任  
順天通州  
人供事

咸豐元年

署縣事曹廷燮補秀山知縣  
變以候補知縣來  
署縣事至是即實

曹廷燮任  
靈石人舉  
人二月至

徐樹棠任  
重

三年

署縣事曹廷燮以病免  
西李漸鴻署

四年

夏五月知縣曹廷燮以病免  
秋鎮遠人進  
陽知州凌樹棠兼攝縣事  
士九月至

陳思源署  
會稽人  
監生

蛟出溶溪山中勘壞民田  
七

月沈定儀來代辦縣事  
閏七月

澤寬來代辦縣事  
定儀臨湘人  
拔貢澤寬滿  
洲鑲白旗人附  
生皆候補知縣

巡檢徐樹棠

卒于官

五年

建試棚 三月黔寇犯境陷邑  
梅營縣城戒嚴  
初桐梓寇楊澄  
禧餘黨尙數千

杜維崧任  
江陵人  
監生



人從橫石阡鎮遠問寇帥吳某  
自號老生所至其何寇也既  
老孟松桃窺縣境三月十六日  
屯孟溪大路河時河水盛漲吳  
國佐者夜入邑梅營見舒守倘  
說以斫船不河之策或曰去寇  
尙遠謔言不可信計不行守  
七日是濫橋汎邑梅營相繼失  
先守兵數十往助邑梅防禦而  
率兵備已先踞南山發礮驚寇  
及偵寇近遽棄械奔把總亦隨  
奔報稱寇數萬城中官民大恐  
固捷城門而巳甲戌官軍追  
寇出境敗之火燒橋至城南二  
十日乃止不敢北轉西屯清溪  
廿日駐雲台山于始知寇無  
能初知縣李漸鴻至四百人勒  
夫當寇至是稍集至四百人勒  
定部伍以從九王恩培廩生傅  
作珩領之亦率鄉勇自培與弟  
千總再瀛將所部從恩培作珩  
遂命再瀛將所部從恩培作珩  
先發再瀛將所部從恩培作珩  
兵繼後二日及寇火燒橋

卷二

官師志

十四

何把總自言跌馬傷鬚裴回不  
進眾訕笑及武生王廷進時已  
王恩培及武生王廷進時已  
前伏發千總孫良才復發春奮  
先突揀人兵勇課評合擊斬獲  
寇十禽偽將軍周禧火燒橋者  
甚眾西界地春率鄉勇三百至  
松桃勇目祝占春率鄉勇三百  
與作珩等謀併力殲寇而王都  
司以越境日暮歸寇尋遁去  
歸鄉勇勢沮亦歸寇尋遁去  
冬十一月貴州孟溪寇大舉犯  
城知縣李漸鴻敗之深溝初舉  
人徐廷杰等假浮徵錢糧為奸  
扇黨陷城殺官松桃孟溪土奸  
包三等脅眾起應知縣李漸鴻  
鑒前失遽議集團而縣人惟傳  
作珩號知縣兵漸鴻倚重之偵寇  
勢急知縣兵漸鴻倚重之偵寇  
兵南防有異術所至破陷廣泰  
城警郤還初二日寇進濫橋初  
三日警郤還初二日寇進濫橋初  
然假安撫故梅初四日寇進濫橋  
報初五日漸鴻方以集團至平



塊而寇前隊已及深溝勢迫不  
得卻出輕騎迎擊一戰潰走  
旁鋒龍勝明方漸坐既還人  
以奔追禽斬之漸方寇初起  
寇大至屯平塊及深溝初起  
神教設壇降神及深溝初起  
感因設壇降神及深溝初起  
體遂引歸合濫橋屯寇軍見  
寇輒好親戰 始設圍局修守  
以能軍名戰 始設圍局修守  
備 副將廣泰知縣李漸鴻率  
兵拒寇于邑梅初九日官軍至  
于柏香樹會西陽知州凌樹棠  
率屯勇二千人來援傳珩聞之  
喜曰此軍從天下也因揮軍縱  
擊廣泰初十日漸出督戰斬首  
十級斬其偽將漸田某而作漆  
園禽斬其偽將漸田某而作漆  
亦擊走擊字橋于柏香樹寇十  
六日官軍擊寇于柏香樹寇十  
奇兵鈔漸軍後邑梅團寇姚  
建春王富宗率民勇要擊之寇  
牽不得進而漸樹棠擊之寇  
躬自趣戰寇大潰還濫橋

卷二

官師志

桃寇鄔黑虎攻陷綏甯右營西  
掠至官莊先是黑虎為永綏官  
直趣也架時右營劉光宗等乘  
不任兵寇破南門入光宗敗死  
拒守俄寇破南門入光宗敗死  
寇焚燬官民廬舍二百餘所大  
掠而西官莊者縣東市集去城  
止十五里在邑梅僅有黑虎人  
時漸鴻方在邑梅僅有黑虎人  
言漸鴻因乘夜縱火襲邑梅官  
偏縣城樹乘夜縱火襲邑梅官  
軍漸鴻中樹乘夜縱火襲邑梅官  
復陷城沿河人益驚危時傳邑  
仁寇由沿河人益驚危時傳邑  
棠以兵還縣城必失漸鴻親出  
撫民為縣城必失漸鴻親出  
稍定民心 庚辰黑虎來襲城官  
軍拒擊走之尋還松桃時慮  
兩寇合勢議先擊官莊寇二  
口聞寇將至令傳珩王恩培  
及都司王家驥率眾先出道與  
寇值城內居民傾市往觀寇驚  
以爲官軍大至甫交輒奔漸鴻  
至揮軍乘勝追擊寇焚官莊民



舍走還也架尋因部眾潰散遠  
歸松桃右營以後軍還城上歡  
慶更生焉 辛卯官軍南擊邑  
梅屯寇守備舒芳申死之連日  
邑梅寇四出調發意圖襲城漸  
鴻督軍分三道進攻由馬路口  
先入寇鈔因再經率眾由馬路  
漸松桃寇方連眾走問道據水  
與寇爭隘不得進傳作珩亟揮  
康皆親出薄戰寇乃卻走邑梅  
團總姚建春等復要擊于晏農  
漸困守尖峰嶺望援正急而溶  
溪圍總吳鵬飛率民勇八百適  
至遂合諸軍夾攻之 十二月  
寇破潰仍還濫橋 十二  
在籍禮部郎中王達琮如重慶  
乞援 丙寅知縣李漸鴻率眾  
大破寇于平塊 方邑梅寇敗時  
商進取作珩日邑梅雖復作珩  
黨尙眾四面受敵不如還固根

卷三

官師志

十六

本既歸休軍寇果復至初三日  
我軍拒擊之于正武營于松  
桃孟溪濫橋諸寇合謀大舉來  
犯眾號說萬漸鴻集九里民團各  
須之或說既深鴻集九里民團各  
守要隘寇則四起圍擊可期盡殲  
戰破散則四起圍擊可期盡殲  
官軍或有不利亦得倚為援  
漸鴻至平塊其策部勒既定初七日  
寇至坪寇鈔攻之良直率民圍駐牧  
羊坪寇鈔攻之良直率民圍駐牧  
傅作珩以深入幾死乃與楊  
再經各當一路漸鴻率軍乘擊  
寇遠反走當一從之追奔數里  
斬首千餘級官州河為赤奪  
獲器仗無算自寇起以來俘馘  
之眾無逾 行編聯保甲法戶  
此役者也 給門牌與民更始  
是王達琮說漸鴻曰方寇解體先  
其不即誘解散者徒以愚民懷創  
自安懼事平見從前耳若散給  
門牌與之更始從前耳若散給  
則人方厭亂反正者多黨孤治  
絕寇不足中凡有門牌者置毋  
是下令境中凡有門牌者置毋



問否則族矣一時陷寇諸鄉民  
爭至受牌盡三萬餘紙孟溪民  
且有踰境來受牌者都樂附  
包三包三勢日益窮蹙會聞四  
川大兵將至率其黨百餘  
人逃入梵淨山未幾死  
四

六年

春正月郎中王達琮以乞鑲如

成都初寇事大起倉皇召募資  
軍先後至而都不言及饟官紳  
皇急漸鴻向之銘要索不得因  
肆詈罵至是達琮如成都陳  
總督督始給銀一萬五千兩

七年

秋東鄉雨雹七月知縣李漸  
劉鍾璟署姚彥明署  
鴻以事去西陽州判李學海來

卷二

官師志

十七

代辦 訓導曾紹鞏以病免

八年

秋九月前知縣李漸鴻討貴州  
思渠土寇中伏死之

姚秀倫 任  
江油人  
舉人

九年

夏六月松桃奸民郎官等聚眾  
貓貓山以叛縣境戒嚴

貓貓山  
者介居

徐德陞 署  
建德人  
監生  
劉善源 署  
貴筑人  
監生

松桃西陽秀山之間去縣西黎  
子坳僅十許里岡巒斗峻中廣  
多田山下富民即官仲日宦季  
日宣從弟曰敏皆素謹庸習農  
業頃惑術者言頗挾異謀其鄰  
呂名揚者狡黠多機變素與諸  
郎相結會間思南胡黑二田母  
狗作亂官軍不能制郎黑心動  
遂置械招黨先是縣劉鍾璟偵未  
白洋布甚多云郎家專須也于  
是誘言滋起知縣劉鍾璟偵未  
得實陳染匠者名顯發酉陽欄  
腰益人藉防思南白磁給屯把  
總曾廷芳假勞山礮二位拾鎗  
四桿挈附郎官六月十七日建  
旗舉事有眾數千連結思南白  
號民間稱新白號時貴州寇亂  
迭起有白號黃號青號諸名猶



古時黃巾紅巾之目也事既聞  
鍾璟募勇集兵二十日出防陳  
家墳 秋七月縣人楊庠光倡  
擲芒

義討寇戰敗死之 時秀山西陽  
松桃各屯兵

境上以防侵掠未有言戰者也  
縣西擲芒人思南廩生楊庠光  
糾率民勇首先討寇未幾庠光  
戰死自貓崖從死者三十六人  
十四日松桃軍復潰于甘龍口  
許都司敗沒寇勢益熾縣中大  
震

知縣劉鍾璟募集民勇八  
百人以陸炳傅作珩領之駐防

龍鳳場 八月黑青見總辦西

秀軍務綿州知州毛震壽至縣

冬十月候選知縣汪應濤率

所部烏旗隊三千人來助討寇

連營縣西鄭家山 先是酉陽防  
軍潰于攔署  
蓋寇大肆殺掠焚燬居民廬舍  
數百所弁兵傷死相望九月九

卷三

官師志

子孟董各屯兵至軍鋒甚銳及  
攻寇于長單土寇稔知其貪縱  
牛羊于山置酒食于室屯兵至  
輒競相攘奪啖飲寇掩至多醉  
不能戰被生禽者數十人守備  
楊登階干總余某皆戰沒于是  
諸軍益震懾汪應濤者安化知  
縣汪某從子也堅彊有膽識所  
部烏旗隊在黔號敢戰為寇  
所畏既至諸軍並倚重之

總辦毛震壽立行營糧臺于隘

口 十一月在籍教諭易良圖

率眾攻天壇不利訓導易良直

干總孫良才死之 方震壽初至  
即調秀山防

勇出境攻剿以易良圖統其軍  
傅作珩易良直副之營于鄭家  
山十四日良圖督軍進攻而九  
子甘堡章臘各營兵並來助戰  
寇若高險驟不得上良直昌石  
先登所部從之寇披靡已連破  
五卡會別營見他道旗幟大譁  
以爲老白號至遠奔潰寇因乘  
擊良直支解死良才及子凱  
皆敗沒士卒死者八十餘人



九子屯兵復攻天壇敗績我軍  
要擊寇于燕子巖自天壇敗後  
以傳作珩統其軍姚建春副之  
先日九子屯兵來約同攻天壇  
及期整隊將發而屯兵已先進  
俄而大敗死者二百餘人我軍  
由燕子巖突出要擊寇始卻退  
是日西陽軍攻茶溪亦不利  
我軍進攻紅巖坪勇目張元  
暉高朝品中傷幾死 十二月  
各路軍連不利縣中大震是時  
軍雖集然無統帥號令不一非  
共謀進攻則雖往助戰負仗觀  
利鈍而已因是久益無功若張  
元暉高朝品傅凱張洪喜皆以  
偏師攻險失援致敗高張被重  
傷傅凱張洪喜並戰死此尤可  
悲歎者也我軍攻天壇敗後他  
軍亦數攻天壇及紅巖坪茶溪  
馬腦嘴諸隘 濬城濠  
率潰敗喪兵

十年春正月西陽軍功何榮如山招

卷三

官師志

十九

陳葆光署

斷水人  
監生

撫爲所殺 我軍進攻鋸子巖

把總傅凱死之 三月官軍敗

寇于茶溪先是西陽游擊慶衡

拒卻寇于甘龍口于

是諸軍合謀攻茶溪汪應濤以

乃空壁迎擊寇見官軍鋒銳甚

擣其後寇大潰遂奪其卡

癸未大霧知府銜候選知縣汪

應濤爲寇所襲死之時應濤率

地立營未定以大霧迷所嚮寇

突襲其軍應濤陷沒時年二十

八也應濤以驍敢獨爲寇

所懼既死諸軍爲之奪氣

久雨 饑 始設石堤釐金局

以所入充軍饗 五月總兵劉

義芳副將郭啟元率長勝軍至  
震壽以寇久不下又連喪師皇  
急莫知爲計會聞田興恕爲貴  
州提督道由銅仁令邑紳馳書  
鳳凰應乞援頃之義芳啟元率



軍至田軍素以勇敢聞而啟元尤驍健既至縣人大懼軍勢復振

六月乙丑郭啟元率眾攻寨地克之

尤險狹啟元督軍擊攻寇馮高拒擊之喪花翎游擊都司二人藍翎都司守備五人

士卒死者尤眾啟元大憤手短之寇礮石並下如雨啟元不為動直偪其卡偽帥李秀廣當門

殊死拒啟元復縱火焚其卡三重寇乃奔潰斬首四十餘級顛崖死者相籍郭軍死

者亦一百八十七人秋七月貴州軍潰于馬腦嘴

九月廩生田荆芳陰說偽帥陳萬立等獻張家灣馬腦嘴以降寇自

官軍數數傷敗頗輕易之及啟元攻克寨地又所部皆驍悍寇稍震懼荆芳偵知張家灣守卡

者陳萬立有反正意陰使說為內應送號衣廿領萬立匿置稻

結中會山寇下爭茶溪道宿萬

卷三

官師志

立家取稻結得衣大譁時萬立宿山屯未歸期晨往殺之其家密遣白萬立遂乘夜投官軍諸寇晨覓不得因殺其婦以女妻偽帥毛然寇黨惟張家灣最疆而灣中數百戶皆陳姓陳大友其偽將軍也于是諸陳皆不服必欲殺毛眾因勸毛歸女自此諸陳益離心多說其親黨背郎

以十九日遂舉張家灣馬腦嘴降庚子川軍將廣長攻克師子巖禽偽帥羅祖發辛丑郭

啓元率諸軍進克燕子巖遂平

貓貓山郎官呂名揚陳顯發皆

伏誅于時啓元軍居前諸軍從餘悉乞降廿一日遂奪貓貓山

老屯郎官呂名揚陳顯發楊黑四等皆就禽劉義芳時駐煎壘而郎敏尙據雙山其黨聞山屯已破遂縛敏獻于劉于其黨背

巖篋福虎籬寨岑壩木白蠟營下軍還至九龍磴郎官聳身投



崖死義芳縋卒下梟其首呂楊  
乘眾譁時亦走竄崖下復搜得  
呂而楊竟失所之廿二日磔諸  
逆于市事平論功郭啟元第一  
田荆芳次焉而震壽以此官按  
察使啟元尋以積勞卒荆芳保  
藍翎 訓導 十二月副將郭啟元卒  
于縣城

十一夏六月彗星見其光竟天 桃吳森任  
年冬華 十二月乙卯天中裂縫  
數十丈橫廣數尺有光爍爍逾  
時乃合

同治巡檢杜維崧坐事罷官 法琅  
元年西人來建天主堂于縣城 訓  
導姚秀倫以喪免 秋民間謠  
言有妖人入境于夜中翦人髮  
及雞羽久之無佗異 七月彗

星見

卷三

官師志

三十一

劉承業任

李錫麒署 董方士署

西充人 烏城人  
歲貢 供事

二年秋七月粵寇支黨李復猷率眾

自酉陽長驅犯境縣城戒嚴

吳學會署  
歸安人 監  
生八月至

廖維祺任 管鏞署

霍邱人 監生

慶福署  
滿洲正白  
旗人供事

猷者粵寇石達開部黨也十三  
日西陽州東之龍潭鎮焚燒  
官廬舍四百餘所大掠而南  
眾號十餘萬由井岡口竄溶溪  
沿途民團奔潰死亡相藉十七  
日越平陽蓋下十二盤平茶里  
適當寇衝民倉卒無所走匿嬰  
禍尤酷男婦死者以千百計總  
兵劉義芳適率所部過縣亦為  
所推敗不能復成軍時城中除  
緩甯制兵外無一旅之師人心  
皇駭知縣吳森循市安撫督少  
壯乘城躬自短衣帶劍日夕環  
堞周視武生涂定國率民勇數  
百來援屯校場然亦未敢遽言  
也 有赤光如旗見西方 湘  
軍將鄒復勝率所部及民團拒  
寇于南門外為所敗武生涂定



國死之十八日復勝率果後營  
城里許哨旗相望而湘軍方楊  
腹又止三百人迫與寇戰定國  
率民團從之已而寇數道鈔襲  
民團遠奔湘軍亦隨退定國陷  
沒然寇固素憚湘軍乃傳餐而食  
敗亦殊不畏沮既乃傳餐而食  
更出騎兵相拒俄寇燔南門民  
舍退據平塊是夜城中十數警  
及明乃知寇去已遠蓋寇意  
在剽略本無心于得城也  
寇趣邑梅守備楊再經拒戰不  
利邑梅民團據砦自守寇野  
掠無所獲當寇前隊至吏目楊  
卻而團勇見寇盛輒自潰先鋒  
姚得榮中礮死是時邑梅砦堡  
已立王達琮姚建春先日率里  
人入砦堅壁自守或欲越砦走  
避達琮等不能禁聽其出則往  
往罹殺掠于始信居砦得安  
保無所掠益固寇邏行砦下三日  
既無志掠食遽引而南二十日  
陷濫橋汎失其汎官湘軍五日  
鈐記寇尋悉眾出境

卷二

官師志

營黔軍二營並留駐縣防堵數  
月乃去知縣吳森以喪免

三年春三月松桃孟溪土寇包茅仙張銳堂任

復聚眾倡亂縣境戒嚴寇初潛西鄉人拔

土姦故所至連有破陷勢大振至

時兩道來寇縣張元暉等率兵

勇西防九峰寺邑梅營守備楊

再經生員陳士瑜率兵勇南防

濫橋縣西南丙辰寇襲濫橋

防軍游擊銜瀘甯營守備署邑

梅守備楊再經死之初再經偵

乃結貴州戴舉人議招撫已有

成約時再經士瑜各為一軍士

瑜軍皆鄉勇以招撫為因阻

捷之寇再經適以事會士瑜寇

至昏不辨遂及把總彭正發同  
遇害土瑜走免再經沈毅多識  
略縣人知兵者自傳作珩易良  
既死官民大震黔軍將劉應



祥率眾拒寇于邑梅敗之方濫  
軍潰散寇勢大盛貴州提督田  
興恕時以被譴將歸知縣吳學  
曾援故事馳書請抹久之未至  
而貴州人劉應祥適率所部五  
百人過境邑梅民團遮留之許  
供饗如營制廿四日寇攻邑梅  
應祥率眾禦擊寇初不意有兵  
能戰而應祥軍又驍敢寇甫交  
輒奔廿五日寇復來犯應祥復  
擊走之寇阻應祥不得入遂引  
而寇破九峰寺軍縱掠而東  
縣中大震時興恕遣舊部滕正  
赴援至縣增募成軍楊屯城西  
滕屯四壩口俄寇趣九峰寺防  
軍單寡見寇輒潰正富急督軍  
西出拒擊寇眾大至遂敗還屯  
寇長驅入屯龍鳳場轉在滕軍  
東眾萬計四出焚劫煙火連旬  
不絕正富乘夜走間道達城議  
徵應祥軍多新募見寇遽反走  
溪楊軍所部益前寇死拒既復  
祥督圍應祥數重屢衝不退應  
祥敗走喪敢戰士數十人正富

卷二

官師志

全軍陷沒 四月在籍郎中王達琮

如成都乞援 總兵曾志友楊

耀觀李家福賀連級熊英豪率

援軍先後至縣時寇屯龍鳳場

警報日聞然至城西數里輒止

終不來攻城及聞援軍大集乃

稍稍引去五月毛湘菴來代緩

甯副將復增募湘果緩字營六

百人六月成軍十六日寇復出

濫橋曾李楊三軍合擊大敗之

斬首二千餘級是時松桃軍亦

集縣境自此無寇于是志友連

級英豪駐邑梅南防湘菴知

以新募緩軍駐沙壩西防

寶等斬之

縣吳學會捕獲東鄉會匪王元

四年春北鄉雨雹

五年知縣張銳堂坐事罷官

有虎傷人

東鄉

王樽署

廖興哲任

章煥文署

歸安人監榮縣人

歸安人

監生



六年

由石堤釐局委員署

平心孚署

山陰人監生二月至

宋大熾署

沔陽人監生

吳輔元署

平遠人監生

七年夏大水 六月典史劉承業卒

于官 秋九月訓導廖興哲卒

于官

沙藻生署

江蘇通州人監生二月至

戴霖任

烏程人監生

吳輔元署

平遠人監生

八年春正月武庸灾壓死居民三十

餘人 夏大饑斗米錢五千有

奇知縣杜瑞徵發常平倉穀四

千石及銀二千兩振之

倉穀前知縣沈士元以擅動未便事格不行飢民歛望其勢洵

杜瑞徵署 廖尙清署

貴筑人吏簡州人 員六月至附貢

鄒國播署

大蒲人監生

王志瀛署

岐山人監生

卷三

官師志

三四

九年

洵六月瑞徵至以便宜動發倉穀分振十一里既乃陳白由是稱重一時

錢棠署

元和人監華陽人 生六月至舉人

王鎮華任

趙湘任

桐城人監生後擢任

十年

王捷三署

朝邑人進士六月至

涪州

十一年

楊振鈞任

江華人監生七月至

張禮琮

平遠人監生

吳思源署

平遠人監生

十三貴州時有事于苗知縣楊振鈞

倡修邊備三月胡國珍率武字營來駐南防

一兩納 錢六千

時議籌餉增軍起按糧捐輸凡民糧

光緒秋七月南鄉姦民楊猛漢等連胡州祖署

戴霖任

劉作霖署



元年引思南梵淨山寇謀劫濫橋事

平湖人優貢正月至

覺捕禽猛漢斬之

梵淨山者黔邊大山連嶂

千尋箐谷荒深先是有亡命十餘人或云止九人其魁曰劉跼踞據山林為盜數出鈔掠往來松桃寨英間西南沿邊久患苦之方猛漢等事發覺知縣胡炯祖馳牘西陽請援未幾總兵向長曙率安西全軍至屯濫橋南防炯祖復議勸捐增募會山寇西焚火燒橋議益急凡民捐六百餘萬錢炯祖募親兵二百自領之別遣在籍提督程友龍總兵楊朝林將西防軍屯清溪復假商鹽三十萬斤以資軍用月餘以饟無出輒罷散諸軍八月民團捕獲猛漢立斬之而山寇仍恣為邊害其後貴州巡撫岑毓英躬至寨英以增修城謀計禽之其患乃息

二年平茶里岑龍有女化為男

譚培堃著修文人進士三月至

三年春正月巡檢戴霖卒于官

冬王朝弼署

卷三

官師志

三五

日旗里漆元壩有樹自焚火自

衡陽人舉人三月至

顛至下枝葉皆焦死

紹興人監生

四年秋雨雹

七月典史方奎元以楊振鈞任

喪免

李鴻恩任

鄧文瀚署

五年

沈慶頤署

六年

張廷杰任

八年夏五月大水壞民田漂沒廬舍

官出錢振卹有差 水壞巨豐

堰重修築之 六月地震

九年春二月雨至于夏五月大饑斗

米錢四千有奇知縣楊振鈞出糶常平倉穀以平市價復倡募

天津人監生

方奎元任

歙縣人供事

章宗澧署



設粥振給時設粥廠于城北文  
嘗五六千人振釣復馳行各里  
勸募就地設振一時全活殊眾

十年春二月訓導王鎮華卒于官

知縣楊振鈞坐事免

冬石隄

萬壽宮火延燒民居

劉松年署  
高陽人監  
生二月至

鄧文瀚  
前見

十一夏旱 東鄉民家豕生狍二首余恩鴻署

年一脊八足

武進人監  
生正月至

李鴻恩重  
任

十二夏大水

年

蕭茂芬署  
邵武人  
拔貢

鄧斌任  
宜賓人  
舉人

十三秋大有年

大水漂沒石隄釐

年金官舍

王壽松任  
仁和人附  
生二月至

張廷杰重  
任

十四訓導鄧斌以喪免 沙坪里保

年告變有民婦倡立妖教聚眾謀

逆官捕治無驗 南鄉民婦一

高培棟署  
彰明人  
拔貢

卷三

官師志

三

產二男自乳以下臍以上粘連  
如一棄不育 民家雞翼夜中  
自斷如翦謔言有妖人入境久  
之乃息

十五石隄民朱四婦一產三男

年

陳崇哲任  
富順人  
舉人

十六始勸民種桑飼蠶縣初無桑利  
始勸民種植嗣經傳純向道稟  
請由成都購種置官桑園以時  
分蒔四鄉壽松為籌經費定  
課程屢出勘視不憚劇煩焉

冬十一月典史張廷杰卒于官

鄧文瀚  
前見

鄧文瀚

十七濬城濠 重修李公祠 秋大

年有年 增置梅江萃香兩書院

膏火費 重建萬壽橋工費甚

十八不足幾中止知縣王壽松率  
勸士民以蕙其役民獲利涉

陳鑫署  
遂甯人  
附貢

章耀曾署  
歸安人  
監生

徐涵署  
建德人  
監生



政略

昔孔門政事表厥顛科恢材閱務章服資累循吏著帛遷史權輿蓋以鑒往風來誼存勸說歷史承灋茲例彌章而後來方志頗亦依仍其錄夫材非邦產居同傳舍事圍聞睹義取限裁况迺未陽詘政而策效巴漢潁川豐理而闡美升衡若越而紀之汎瀾而及之繇頌則徒占虛篇偏諱又重累信錄何貴徂古而自滋周章如斯也前表綜其厯官同時僚屬編年繫月旣燦然矣今更撮舉在官有嘉政民歌詠者仍依年後先撰而論次其有德茂學劭而居官靡稱並從蓋闕若夫慈惠通練聞見徵信或前茲挂譏或改地輟績毋取周悉錄其見政日略而已至于去後捐命王事忠義效節津然父老之口泯焉桐鄉之魂亦間

卷三

官師志

二十七

變例箸記萬分有裨勸諭云爾

夏景馥建水人雍正十二年九月以佐貳至西陽協辦改土事宜明年來駐縣南之平塊時黔民避苗內徙絡繹于途土著擾驚景馥卹慰臻至復申嚴保甲顯別良莠旬月之內四境肅謐未幾設縣事定疆吏以景馥周曉土情因使權知縣事縣壤新闢又偏遠襍介谿峒間聞者皆謂荒愴不可居人人畏至之景馥獨樂安焉乾隆五年卽投爲知縣先是土司計戶編里歲時蘇有供億爲民累苦旣乃一切罷免而地甫改流眾務草創若城墉官舍壇廡汎塘役以億數材以萬計庶工告葺終歲而已縣地周迴阻山中間平隰閑曠水利未興罕勤懇治景馥旣以見勢上聞賦從薄省時復循視阡隴進語田父講求農耜溝渠



之利又東北一水趣達沅溪滙洞庭通利舟楫時旣清夷賈樂受廩由是原野豐沃貨溢于肆迺輸私錢興鄉塾課迪秀異民寢知學土氓雖朴野罕漸華風然睹長官勤廉且釋苛擾遂大安僂初縣治三合場景馥上狀以爲新治偏蔽西山允臧非卜少東煙麻坪居適中之地以夷且曠請徙縣治之今縣城其改定者也居十一年以母老告歸民揮涕祖送如家人之別焉

邊鏞峽江人也以進士授秀山知縣宿年碩學粹然儒者時蒿榛才翦文學闐如鏞爲蓋造學宮趣民習禮民間及是始聞管磬之聲睹邁俎之儀地偏訟簡暇日嘗集學子材秀者勤勤講論月試高等資獎豐異寒雋不能竟業輒廩給之于是弦誦之響流于涂巷縣學初附酉陽鏞倡言上請分建專學事寢不行

尋擢知阿迷州士民懷思立主文昌祠歲一祀之今移祀鳳鳴書院鏞後數年知縣有朱光曾者繼請分學仍格未行

郭良相臨桂人性忼爽倜儻負奇氣爲石隄巡檢幹敏能舉其職司前一水川楚商賈通津檣檝臻湊良相嚴詰苛暴姦豪斂匿乾隆三十六年被檄赴金川大營時四川提督董天弼駐登達爲後防檄良相守占固護輸轉占固故有礮牆堅阻可依俄番虜來襲圍數重良相固鍵礮門率眾馮高拒擊虜數攻不下又必甘心得礮遽羅拜請良相出受降良相悉其僞厲聲呵叱虜窮莫知所計相持十一日礮中水絕仰雨爲炊良相率厲士卒忼慨誓死守卒以大軍遠無援揀一日虜焚薪礮下煙盛守陴皆眯因乘之礮破良相自殺兵民多從死事



聞贈府知事賞給治喪銀百兩蔭子入監

周國衡甯河人其爲典史舊莫傳其行事然秉尙耿介意絕阿  
狗亦善吏也檄赴金川大軍在郭良相前乾隆三十八年至澤  
耳多徵發炭丁番虜突集倉卒合圍國衡徒從單寡及登春山  
力屈遇害事

聞贈主簿蔭子入監死時竝失典史鈐記今記其後頒者也

吳桂字樸園甯朔人也乾隆中進士五十一年知秀山縣爲政  
務崇德惠罷威猛雅樂親鄉父老以事行田里必進諮疾苦野  
氓習近長官旣無畏沮言得盡情一時姦胥豪吏乃反畏民撻  
發罕有橫恣者尤勤于造士嘗進諸生廳事語文泐勸道誼移  
時不倦其高材碩秀則禮敬爲賓友因得博詢民事具悉情隱

卷二

官師志

二十九

自有郡縣以來牧令號爲親民之官然往往深居簡出以爲固  
然自朝至晡習與暱近皆廝役賤人一訟至則諸吏曹或出之  
或入之縣官仰成而已民有負重冤隸或詭詞虛喝輒自隱沒  
至死不敢揭其狀悲哉悲哉官民不皆甚愚上下雙過則益相  
蒙欺其勢有必至耳若桂之斷斷爲民而勤諮下問豪猾斂手  
靡所容姦誠居政之先務而牧民之龜鑑矣去後民追思太息  
有流涕者

楊浚明休甯人性警敏練習吏治時繼吳桂知縣事下車見民  
嚮喁喁詠誦流聞浚明愈益興厲悉心整剔勤民作士執柯而  
伐縣地寥曠民履訟庭遠者或逾百里浚明知訟牒延積久愈  
叢姦民又失時廢業兩造詞具卽與質理胥役有牽阻者立杖



堂下民允稱便而周悉名法鏡燭情偽明幹尤罕倫比有縣以  
來吏治飾修首推浚明云

楊卿雲朝邑人以舉人爲四川知縣縣自邊鋪倡言請學以後  
至是越三十餘年士冀彌殷會卿雲來權縣事踵伸前議緣會  
得准士民懽慰過望事具學志卿雲旣果爲政又性廉直苞苴  
請託不謝而絕持法稱情迄無瞻徇一時豪彘爲之斂阻

路雲瞻東光人由拔貢生選知縣乾隆五十九年知秀山越年  
楚苗滋衅舉眾犯境雲瞻規籌防禦得不及郊然民習承平聞  
風遜匿附郭才數十戶而已縣東南沿邊比近苗居被禍殷酷  
脫死之氓流離彫敝環集縣城雲瞻設局振卹數千之眾倚爲  
生全是時征苗大軍連營南郭門外旌柵相望供億縣劇總督  
和琳方在軍中重惜其勞乃咨吏部請權增幫辦知縣一員調  
遂甯知縣續林來相助理雲瞻內拊流亡外勤支應旬月諸務  
具辨論者賢之

陳人驥字千里仁和人吏事素嫻聲譽藉藉乾隆五十七年授  
秀山知縣逡巡未至嘉慶初元苗事粗定四境蕭條人驥到官  
則多方安集罷諸苛擾民復恆業縣故有土城規制卑隘歲久  
率傾圮不足馮守乃通牒詳請改甃石城旣報可興工下令嚴  
束胥役民無纖累當是時疆臣重慮苗禍縣地偏遠與苗比壤  
尤資嚴防遂大議增兵營汛堆塘凡數十所皆檄縣官承建又  
勅修常平倉四十餘間故終人驥任諸土木工役以萬千計而  
民間不知有徭發縣人至今猶述稱焉



于蔚華字柏生江都人也性溫粹篤好墳典嘉慶中進士道光四年知秀山頗以儒術文飾吏治時久承平居人熙熙刑訟稀簡蔚華雅意興文嘗躬履書院與生徒講說如師弟其尤敏異者則引致縣齋資給筆札於時稱高足弟子若王達琮田玉吳鼎元黃傳秀陳士琮皆所器賞卒以文章顯達由是士競濯磨爭以得邀賞最爲榮月一課試雖值雨雪或遠百里無不競至其興起如此佗政率以寬仁爲本罕赫赫之蹟十二年六月卒官士人哀思立主書院祀之其後彭以增朱東瀚皆矜尙文學風雅相高繼美蔚華以增甯都人尤良折獄嚴治盜東瀚字蓬山歸安人

徐樹棠者石隄巡檢也自宋元來巡檢爲襍流官初惟沿江濱

海諸隘置之其後所置寢廣而職亦寢微歲入俸請僅足給八口故事得領甲徒舉姦非今則一切俾成上官備充員品而已比于古益輕焉樹棠以會稽舊家子落拓久之得授此官宜汲汲憂貧及居石隄越二十年未嘗受民一牒大事申縣小事諭遣之必不可已則固留其牒嘗曰小民一時忿爭遲尋且悔吾姑俟其悔也積久輒火堂下巡檢以卑官所駐去牧令恆遠故頗利民訟小通苞苴樹棠旣廉靜日惟蔬水自給先時官家市肉率半民價他物稱之樹棠蹙額曰官府不持大體則使細民輕上奈何爲口腹損區區之數重爲人非議也因卽罷免樹棠居官旣久又性樂易民依愛如父母然貧無餘資死卽葬石隄西山下鄉人至今猶稱歎之



夏觀瀾南昌人道光中以舉人選四川知縣歷試並有名迹及知秀山循聲益著近世官吏雅好言持大綱不屑屑於細故民間一訟縣有供費號爲陋規官民皆習安之以爲固然也又旦夕不卽得質故破家相望觀瀾重憫俗敝則一切除免嘗終日坐堂上訟者趾錯不厭劇煩居在附郭二十里內無因訟信宿城中者遠者須發役視里數爲期限旣至卽與引決一時豪猾無所容奸當嘉道時四境殷富胥役中飽衣服輿馬儼於長官觀瀾旣疏布自奉輒嚴禁違制家人無敢服裘帛初時役吏數百及是相率引去餘裁四五十人然民服官勤廉漸寡爭訟獄戶幾空此四五十人者且無所事事門役時爲灌園蒔花其清簡如此縣東南接苗峒苗性貪很其俗以盜取人財貨爲私蓄

雖大富人猶競爲之故往往夫婦偕至尤喜得牛馬其行飄忽不畏荆棘民患苦之觀瀾以爲欲清盜跡宜先絕窩戶遂行編聯法一盜發賊證旣實嚴坐九戶嘗曰株連非得已也不如此則民且畏盜莫肯舉發官旣略無瞻徇而民有辭矣一治百倣盜不驅可絕由是閭廛安謐終其任苗盜斂避其境內素業此行者復坐名捕之頃之皆改行爲善人居縣二年廉儉自厲燕客設五簋罷珍異後庭紡織之聲唧唧也民偵官貧歲時爭以米蔬薪膏相饋遺皆婉詞謝卻迄無所受至今鄉父故老嘗樂述其舊事以爲美談雖史傳所稱何以加焉

聶汝侏字藹亭屏山人道光時舉人志誼高絜一時仰重廿四年補秀山訓導故事提學按試卷端惟記坐號牘揭學官依號



檢名送覆因乘便要取富者或數百金至貧亦十金以上名爲認號或曰解卷此勒彼恡百端申說比於市賈矣汝佶則一無所問寒儻衣冠不具輒轉資給以爲自行束脩禮隆道義賄交銖競市道之行君子羞之會提學豐城徐士穀臨試西陽彭水訓導因勒認號愆覆期士穀震怒立罷絀之以汝佶最前送覆俾攝彭水學事頃之具辦後試他屬率舉以風於是汝佶益以廉高顯稱性和易近人故學人尤樂依之執經問業者趾錯於戶有如塾師焉廿八年以截取入都尋授金壇知縣

郭印瑚字樹珊滕縣人也道光廿五年進士廿八年知縣事廉靜自守有周姓子聘妻而貧不能取男女過時具辭請罷昏印瑚愀然曰細民輕禮上教不先長吏之過也乃輸私錢俾令成

卷三

官師志

三十三

禮民相與語曰官清亦何樂父母兼媒灼印瑚自奉清約一介不取值生日民士競具白金蔬米爲壽輒堅詞謝絕無已僅受米蔬置金弗納訓導聶汝佶居間令別貯充他公費其潔清不苟類如此而持法平恕不爲峭激抑又難已去官未幾卒檢篋才得錢十數千聞者哀歎焉

澤寬滿洲鑲白旗人咸豐四年知縣曹廷燮以殘酷結民怨謗議沸騰因託病引去而係囚纍纍填塞獄戶會澤寬來代辦一日清結積訟百餘省供檢辭賭聞並施數語之間輒都洞悉民各得其情以去一時服其材敏謂有縣以來所未有也性簡易不喜爲苛煩嘗以事行鄉里僕從僅六七人無臨候之者旣迺知爲令比集則已葺事去矣居數月去俄以他事復至民士



上書大府請借賢令一年事格不行縣人至今猶惜思之

李漸鴻字蘋洲鎮遠人也倜儻尙氣喜吟詠雅重文儒道光末舉進士用四川知縣咸豐四年代澤寬知縣事接武賢明勤厲益張尤明知人五年松桃土寇包三連眾入犯縣城戒嚴縣人傳作珩雅號能兵漸鴻倚信之會以集練出南郭門五里不意寇遽至迫不得退倉卒交綏輒創敗之因是益增膽識激昂奮發騰蹕自喜乃募鄉氓引諸生爲將佐部列整齊嘗禿衿帕首持短劍先士卒轉戰十數皆捷包三數數犯縣意在殺令據城爲巢窟倚漸鴻力城得不陷由是以知兵名其戰迹具詳事紀中項之以功進知府銜同知直隸州

賞花翎六年總辦西秀軍務尋知西陽州事八年秋偕前知州

卷三

官師志

三十四

凌樹棠討貴州思渠寇中伏死事聞

贈太僕寺卿漸鴻性豪宕雖在兵中不廢詩歌沒後篇什散佚矣縣舊有漸鴻生祠旣聞其戰死里巷悲駭祠旁居民連夕聞戈馬聲以爲靈爽不沒云後漸鴻知縣事者有劉鍾璟吳森皆值縣有軍旅之事咸豐以來粵寇從橫江淮間所在土寇竊發貴州寇則有白號紅號青號諸名亦猶古黃巾紅巾之倫也九年松桃奸民郎官等聚眾稱亂民間通稱新白號蓋嘗倚老白號爲聲援聞者震恐其勢大張所踞貓貓山去縣西界不出三十里知縣劉鍾璟固謙約書生聞警皇怖終夜遶室行旣乃召集民夫屯境上爲防守俄援軍四集供億益罄民旣苦徵求歲復荒歉流離困敝鍾璟委曲保衛之如恤私家縣人以是益誦



其德其爲政亦務崇寬惠故治罕赫蹟然生息休養之功多矣  
雅善筆札行草饒疏逸之致至今民士競貴之吳森者宛平人  
也字小芸廉謹純約民信夙洽同治二年粵寇支黨李復猷長  
驅道境眾號十餘萬縣中大震森倉皇治守備男子十五以上  
皆趣乘城營兵素尪懦不足恃民倚知縣爲生死俄寇越十二  
盤大掠而南旌仗填野守陴者股栗湘軍將鄒復勝千里躡寇  
及於城下因揮軍接擊是時孤城岌岌危如累卵見偏師敢戰  
民吏大懼森短衣握刀遶堞案視日無停履湘軍旣寡不勝寇  
而涂定國率民團入援復敗死城南勢益洶洶城中一夕數驚  
或勸森棄城毋守謂援軍單寡未見能當寇坐死何益森怒叱  
去之乃益嚴守衛撫驚擾及明則寇且引去里巷慰更生森無  
漸鴻戰略而逼臨疆寇比鍾璟爲難未幾以父喪去篋橐無長  
物總督駱秉章知其廉貧下檄令監石堤釐金月請錢六萬久  
之乃歸鍾璟字璞生鎮南人與漸鴻爲同年進士後擢瀘州知  
州云

張銳堂字春霆西鄉人以拔貢用知縣同治三年知秀山政尙  
果斷靡依違尤以興文爲事修起四鄉義學十餘所月試書院  
生徒豐給羞脯而跬步以禮衣冠肅然一變謹囂之習前知縣  
吳森以貧不得歸銳堂說富民令貸五百金身請任其債民猶  
與久不報乃喟然曰廉吏可爲而不可爲如是夫因集諸富人  
數讓之卒皆感動納金恐遲一時稱其高誼嘗議訂書院學規  
及增置經史會以峭急不爲當道所容論劾罷官士論惜之



沙藻生字一山江蘇通州人也自法琅西以祆教入中國往往挾厚利啖愚民然所至人惡之咸同以來所在焚毀天主堂以教事起大獄者海內相望有司重考成則一切繩治之酉陽自宋文選倡言擯教其後何彩張佩超遂連眾相仇挾兵向之卒死二夷人徒黨傷亡數千川東道不能治衅日益深至煩

詔使矣宋文選者州貢生以詞賦見賞於何紹基時捕治既急乃亡命走道州而何彩已爲知州曾傳道送斬重慶牽連甚眾聞者冤惜焉秀山教難發在酉陽前官捕無主名久益寢弛同治七年藻生知縣事偵民心積不平因時共副將毛湘菴密計會以事行鄉里湘菴亦出城視軍鄉氓數十闖然入教堂扣柱而罵頃之躡室爲墟倉皇散走藻生既具狀白大府復亟陳民

卷三

官師志

三十六

無罪有一官似葉去畱聽之云云未幾藻生罷去而縣民安堵其保全之功爲多矣

杜瑞徵字熙甫貴筑人同治八年知秀山夏旱苦饑四郊道殣相藉或請貸常平穀知縣沈士元以擅動未便持不可人心皇迫將圖爲亂六月瑞徵至則不待請報遽發倉穀四千石減糶以振旣乃具狀通牒院司略言縣自四月以來斗米錢五千三倍常價貧者阻飢相引爲羣窺覬富室逼挾要取比者松桃飢民聚殺團總幾構巨禍事靡隔時殷鑒不遠然涉境周訪貧窶滋靡間有殷富取辦未易匪藉公貯莫濟急艱是以意切振荒遂違常限以便宜動發倉儲坐干憲禁百罪無悔由是以明惠幹決爲上倚重雅好旌錄善人因藉風示尤良聽訟胥吏無所



容欺一時奸豪斂手矣爲政朞歲民嚮翕然遂稱大治去後十餘年擢知西陽謝官枉道過境存問耆舊士民祖送連日觀者皆欣相語曰杜公無恙矣夫權存易比勢去靡依愚民恆態瑞徵故時長吏獨使一縣之人纏繻其愛慕之心其流風蓋可想矣後有楊振鈞者字秉卿光緒中知縣事九年夏淫雨壞禾富家閉穀不出境內大饑振鈞初議散振藜回未發聞其客徐家桂言益心動乃發穀減糶復建廠行糜粥民來就食日數千全濟甚眾石隄者懸阻東偏上澤難及會振鈞以勘災至其地閭里大歡因要說富人令各輸私錢助官振一日得錢逾百萬是時米價奇貴而湖南列郡比年大熟市賈皆操舟入辰州載米石堤江中米艘連檣飢民旣日困踣稍稍謀爲劫掠念令恩意良厚輒相率改圖謐然安堵矣自乾隆置縣以後越百五十餘年文獻無述振鈞倡言撰志事未具辦以受代去

王朝弼字佑卿衡陽人英敏通練咸豐元年舉人以知縣分四川光緒三年代譚培堃知縣事時當縣小試民士雅不善培堃聞朝弼至則大懼旣而試事肅謐榜次稱允朝弼性旣察慧復深習世故故臨民頗盡情僞一時獄無縱枉頌爲神君焉有所驅鉏略無寬惜嘗曰善知善惡知惡明智者能之若嘉善而篤敬去惡而務絕則君子猶飲焉然其治縣日淺里有姦猾經數長吏所不能除一朝榜其惡蹟嚴示屏絕人心大快孔子曰見不善而不能退退而不能遠過也若朝弼者可以無過矣

王鎮華字宇安華陽人性高簡文辭通贍同治初舉人九年選



補秀山訓導端雅自飭造次不改常度尤澹靜寡嗜欲不營營私利汝佶之後一人也初居貧教授卅年爲鄉里大師及在官猶樂共生徒講說門下執業百餘人問難者時滿堂戶焉光緒十年卒官學人哀思立主書院祀之其後訓導有鄧斌字春山亦率勵行誼居未幾以喪免

余恩鴻字雲墀武進人光緒十一年知縣事志行高邁以惠養爲政雅樂與縣之賢俊游勤訪利病聞輒措行意豁如也縣人江俶嘗具書風勵其見政亦大要如其書所綴辭曰雲墀君侯執事比得手書竝所刊地圖蒙紆慮辱問再四且悚且慚圖大政致頗詳慎無多可議執事蒼精世用勤志不刊儒雅風流略昭于此宜其休聲茂實騰不遐近也願俶更有進者夫禮任儒儁

鋤刈非種信用刑賞敦宣德化治之上者也率身簡約抗節廉明重惜物力惠保民命治之次者也日昃聽政月朔講藝品藻被乎山川歌詠流於閭里治之又次者也執事蒞政以來禮召薦紳蒐輯志乘勸農課士斤斤禮貌浣濯之衣土木之器日食不過嚙肉出入不飾輿從苞苴不行請託勿受治之次者又其次者皆已優爲之矣具此二者可以臨民而無忤顏矣願執事勉思其上也邑士好文鮮厲名節衡茅之間清風輟響匪盡黷校硯砥無資也蓋前後柄政競爲一切之治旌別之權未立而激揚之實莫單故耳况或淤遏焉驅迫焉瓦玉竝器梟鳳同棲予奪之際輕重失情士氣之張清議之作甯有冀乎執事甫及下車志革薄俗而洎今未彰顯效者毋亦名品未殊風聲未建



道塗之觀聽未審左右之取舍未明故願執事之熟思之也昔鄭詹逃齊春秋著其甚佞赤芾盈曹風人刺其不稱何也蓋讒諂公行則明智爲之裹足么麼結軌則剛正羞與儕肩賢不肖之不相能也非一世矣今雖昭察足恃詐僞難售包荒竝育無所大患然令神明之君外觀疑沮德禮之化莫洽聽睹不亦大可惜哉且善善不能用惡惡不能去古之至誠也稱詞所指夙邀洞悉一斷之威曷久稽焉傳曰惟善人能受盡言屬有遠役謬承阿眷披布芻愚伏惟裁省恩鴻得書以牘坐隅嘗舉示所親曰肇甫愛我行自勉矣恩鴻之前知縣事者劉松年字子健其後爲蕭茂芬字藻堂皆豈弟和易爲近年權縣三好官士民傳述以爲美談松年治行比王朝弼嚴斷少遜若其優禮儒生

卷三

官師志

三十九

撝謙自下尤罕倫比茂芬情志敦篤政惡苛擾嘗夜行衢巷間民有因訟羈旅舍者引問得情輒召兩造就質之旣理則促令急歸吏役或未覺也治縣一歲率以爲常民至今歎頌焉

張廷杰字偉農宛平人先世名族廷杰起雜流爲貧博取升斗祿每引爲恨然且沈抑久之其爲秀山典史老矣性沈嘿潔躬自愛典史旣以監獄爲職而民間有小爭訟或時就質之其尤姦暴無狀者加鞭笞焉尋輒訶去雖私與錢數萬使繫一人不受也或被冤抑滯縣獄乞爲申白未嘗挾取人財民旣承惠又絕要索因益感服厯事數長官皆以廉謹爲所倚信光緒十六年卒官民嗟惜之

志曰周禮郊外八職四曰縣正其所掌治二千五百戶而已自



秦罷侯封分天下置郡縣守令寔重矣然而歷世沿法官制彌  
繇所以糾縣視古加密惟是附近之邑懷察知憚卽非廉善亦  
遠殘苛他恃懸濶常課非及旣便粉飾益欺口耳是故邊遠之  
區非夫清愛素懷勤寔寡貳者疆臣雖厲烏睹其能良也秀山  
介居偏荒自設縣建官迄今百六十年其始境粗安服政稱清  
簡部司選任格在下科而振闢荒蒙漑濯隅陋興言安惠數有  
賢司第新故易絃旦暮殊教或甫去卽弛或數易益靡潤比牛  
山之蘖生等一日之暴邑人懷思善令曰甚其蘇非茲道之鮮  
由抑地勢使之然歟夫循吏之傳僅矣有懷清如伯夷施惠過  
召伯而荒冥不顯者多矣若地介百里之內事盡傳聞之實一  
令一教畱在人口旣去則圖形堂闕當時而紀美風謠覽文載  
筆用得詳焉古人舍其邱壘惓惓桐鄉良有以也

卷三

官師志

四十

秀山縣志卷第三